



69

No.F.20010/1/23- LMC (Estt)
LUNGLEI MUNICIPAL COUNCIL
Convention Centre, Lunglei – 796701 : Mizoram
Ph: 0372- 2323841 Email: lmc Mizoram@gmail.com

Dated Lunglei, the 10th of December, 2024

MEETING MINUTES OF EXECUTIVE COUNCIL INFORMAL MEETING , LUNGLEI MUNICIPAL COUNCIL HELD IN THE OFFICE CHAMBER OF CHAIRMAN , LUNGLEI MUNICIPAL COUNCIL ON 09.12.2024 AT 11:00 AM

Members Present:

1. Pu Lalzuithanga ,Chairman LMC
2. Pu Zorinsanga Hmar , Executive Councillor ,LMC
3. Pi Lalhruaitluangi Sailo, Executive Councillor ,LMC
4. Pu Donny Lalruatsanga , CEO LMC
5. Lalrinawma , Secretary ,LMC

A. Chairman-in meeting neih theih anih avangin lawmthu sawina a nei a, agenda pawimawh hrang hrangte sawiin rorel tan nghal a ni.

B. Sawihona neih a nih hnuah hengte hi hmalakna tur a relte an ni:

1. Chairman , Local Council , Zobawk South Inquiry Report

Ward No -XI Councillor Pu Vanlalliana Pachuau hnen atangin Dt 26.10.2024 ah complaint dawn a ni a. Zobawk South Local Council Chairman Pi H Lalbiakmuani chuan Dt 09.10.2024 ah Village Council letter head hmangin No Objection Certificate (NOC) a pe chhuak a,National Highway 54 thawktu BRN Infrastructures Pvt Limited ten Bus Shelter an sak theih nan location 214+ 750 chainage hi Zobawk Village Council ram tiin NOC an lo siam a.Hei hi Local Council thuneihna hmansual anih avangin hmalakpui turin arawn thlen ta a ni.

Dt 30.10.2024 ah Office order ti chhuah niin Pu Lalrinawma ,Secretary ,LMC chu Inquiry Officer ah ruat a ni a.Dt 28.11.2024 ah Inquiry report thehlutin hetiang hian thutlukna siam a ni.

Ngun tak a ngaihtuah anih hnu-ah Zobawk South Local Council Chairman thil tih Village Council ang a NOC siam a pekchhuah hi thuneihna hmansualna lian tak a ni a, The Mizoram Municipalities Ward Committee and Local Council Rules , 2010 section 24 in a sawi angin in banna tham (dissolution) tling a ni a.Local Council reng rengin ram chungchangah NOC pek theihna an nei lo baw a.Village Council ang a NOC lo pek phe chu hre reng a tisual tih a lang Chiang hle a ni.Tun a an thil tih hian inzirtirna tha zawk a thlen beisei vang chauhin Local Council thiah (dissolve) loh ni se , Local Council dangte pawhin an hriat leh zawm atan Order siam a, nakin zel atan inzirtirna anih beiseiin, hetiang thil a thleng leh anih chuan dan ang a hmalak a a tul ang a local council authority pawh thiah nghal zel ni se tha kan ti.Tin , Zobawk tan thil tha tur , khawtlang tan a pawimawh siamna kawngah LMC chuan a dal Iova, Local Council ten thuneitu LMC ah hna pawh thawh anih ngei theih nan kalphung dik takin NOC dil ni se, dan ang a thil kalpui zel hi a himin thuneihna hmansual kawng a fimkhur turin Local Council zawng zawngte a chah baw a ni.

70

Tin , CEO, LMC chu BRN Infrastructures Pvt Limited ten sum an pek dan leh hnathawh tum dan te chiang takin lo zawt fiah a, hma la turin ruat a ni bawk.LMC chuan vantlang hmun a insak leh hmalakna awm tur reng reng NOC(Construction clearance) a pe thei a, Revenue dept chuan NOC (land clearance) a pe thung ang.

2.Press Meet neih chungchang

LMC in kumin 2024 kal mek a hmalakna hrang hrang kan neihte puanzar tha kan ti a.Press meet neih ngei nise , a hun a tan Dt 12.12.2024 dar 11:00 AM ah Boc Meeting Hall ah neih nise , he hunah hian Pu Johan Lalhmunmawia , Regional News Unit DDK Stringer, Lunglei ralna thilpek pawh hlan ni se tha kan ti.

3.Christmas Charity Gift pek chungchang

LMC ang a kan hunpui ber Krismas leh Kumthar pual a thil pek hlan tha kan ti a.He hunah hian Damdawiin , Jail leh Charity Home hrang hrangte hnenah thil pek emaw pawisa zawkin emaw a remchan dan angin pek nise , pek tur erawh sawiho leh ni se kan tia. Dt 17.12.2024 emaw a ai hma emaw pek hun atan ruat chhin a ni bawk.

4.Kumin 2024 bikah Krismas bazar siam loh ni se tia rel tawh chu mumal tak a zawm anih theih nan CEO LMC in thupek tichhuak se tha kan ti bawk.

5.PAHOSS hnuai a proposal thlirletna leh DPR siam chungchang

PAHOSS sum hlui atang a Sorkarin Rs 20.00n Cr dawn chu proposal lo thehluk tawhte thlirletna neih a ni a.Hengte hi kan proposal thehluk tawh te an ni:


Sl. No	Name of Work	Amount
1.	Construction of LMC Complex, Sazaikawn	Rs 4.00 Crores
2.	Construction of Multi-Level Car parking and Open Lawn at Old Tennis Court, Venglai	Rs 5.00 Crores
3.	Construction of Transport Hub, Hrangchalkawn	Rs 3.50 Crores
4.	Construction of Market Shed, Ramthar AOC	Rs 2.00 Crores
5.	Construction of Multi-Level Car parking at Thuamluaia Mual	Rs 3.00 Crores
6.	Composite Work	Rs 2.50 Crores
	Total	Rs 20.00 Crores

Tin ,DPR siam turin Brilliant Consultancy Firm , Aizawl ruat an ni a,tun ah hian NOC hmun hrang hrangah dil mek a ni a,hetiang hian bawhzuitu tur in ruat a ni:

1. LMC Complex NOC – Chairman ,LMC
- 2.Transport Hub , Hrangchalkawn – Vice Chairman ,LMC
3. Market Shed ,AOC – CEO LMC
4. Multi level Car Parking ,Thuamluaia Mual – Secretary ,LMC

5. Multi level Car Parking at Old Tennis court bik hi NOC Home Dept ah dil mek ani a, ram inthleng tur hi NOC pek chhuah anih theih nan a pawimawh hle a. Vice Chairman , LMC kutah ram bik hi hmala turin beisei a ni a. A hun tak a NOC dawn anih theih loh palh chuan Multi- level car parking at Old Tennis Court sum Rs 5.00 Cr hi LMC Complex ah Rs 1.00 Cr leh Saikuti Hal ugradation atan Rs 4.00 Cr ruahman mai ni se, DPR pawh a tul angin buaipui ni se, Councillor level ah he ruahmanna te pawh lo sawizui leh ni se tha kan ti.

Lawmthu sawiin chairman-in meeting a ti tawp a ni



(DONNY LALRUATSANGA)
Chief Executive Officer
Lunglei Municipal Council

Memo No.F.20010/1/23-LMC(Estt)
Copy to :

:

Dated Lunglei, the 10th of December ,2024

1. PA to Chairman, LMC for information
2. PA to Vice- Chairman , LMC for information
3. PA to Executive Councillors , LMC for information
4. All Councillors , LMC for information
5. All Officers , LMC for information


Chief Executive Officer
Lunglei Municipal Council